

Mai Hoimet - SCHALLUH (K/T: S. & U. Schwenk - 2023)

Mai Hoimet isch do, wo is laufa glernt han
Wos hinter jeder Egge, a Gschichtle über mi gibt
Mai Hoimet isch do, wo i mi am wohlsta fühl
Ond wo des guate Gefühl, im Herza überwiegt

Mai Hoimet isch do, wo i meine beschte Freind han
Wo mr Lausbuaba wared ond om Häuser zoga send
Mai Hoimet isch do, wo mr au mol ghändelt hot
sich wieder vertrecht, wenn mr au mol spennt

**Au wenn i di, scho länger nemme bsuacht han
Ziahts mi doch emmer, wieder zu dir no
Au wenn i di, länger mol alloi lass
Woiß i dass i zu dir, emmer komma ko**

Mai Hoimet isch do, wo mr herzhaft lacht
Ond wenss mol Weh duat hat Oma a Pflästerle draufgmacht
Mai Hoimet isch do, wo I dr Sternahimmel
Mit meim erschta Schwarm, aguggt han en dr Nacht

Mai Hoimet isch do, wo mr oms Lagerfeuer
Mit dr Gitarre, stondalang romgsessa send
Mai Hoimet isch do, wo mr auf dr Schochalm
die beschte, Feschtle gfeiert hen

**Au wenn i di, scho länger nemme bsuacht han
Ziahts mi doch emmer, wieder zu dir no
Au wenn i di, länger mol alloi lass
Woiß i dass i zu dir, emmer komma ko**

**Ja i woiß, swar net emmer, so ogmessa
Wo mr beim Nachbar, end Hegge neibronzt hen
Doch ois, des werd i nie vergessa
I woiß emmer, wo meine Wurzla sen**

Mai Hoimet isch do, wo jeder woiß was gmoint isch
Wennr Mir end Auga guggt, au wenn i net viel schwätz
Mai Hoimet isch do, wo i a ozwonga Leba ko
Des isch des, was i emmer an dir schätz

**Au wenn i di, scho länger nemme bsuacht han
Ziahts mi doch emmer, wieder zu dir no
Au wenn i di, länger mol alloi lass
Woiß i dass i zu dir, emmer komma ko**

**Ja i woiß, swar net emmer, so ogmessa
wo im Garda, nagget romgfliht ben
Doch ois, des werd i nie vergessa
I woiß emmer, wo meine Liabschde sen
Ja I woiß emmer, wo meine Liabschde sen
I woiß emmer, wo meine Liabschde sen**